



**ՀՈՒՇԱԳԻՐ**

**«ԲԻԶՆԵՍ ԵՎ ԿՐԹՈՒԹՅՈՒՆ ԳՈՐԾԸՆԿԵՐՈՒԹՅՈՒՆ» ՀԻՄՆԱԴՐԱՄԻ,  
«ԲԻԶՆԵՍ ԵՎ ԿՐԹՈՒԹՅՈՒՆ ԱՍՈՑԻԱՑԻԱ» ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ,  
ԵՎ  
«ԳՈՐԻՍԻ ՊԵՏԱԿԱՆ ՔՈԼԵՋԻ (ՊՈԱԿ)»  
ՄԻՋԵՎ**

**ք. Երևան**

**«30» մարտ, 2023թ.**

«Բիզնես և Կրթություն Ասոցիացիա» հասարակական կազմակերպություն (այսուհետ՝ Ասոցիացիա), ի դեմս Ասոցիացիայի նախագահ Մարինե Ժամկոչյանի  
«Բիզնես և կրթություն գործընկերություն» հիմնադրամը (այսուհետ՝ Հիմնադրամ),  
ի դեմս տնօրեն Դավիթ Կարապետյանի,

և

«Գորիսի Պետական Քոլեջ ոչ առևտրային կազմակերպություն (ՊՈԱԿ)» (այսուհետ՝ Քոլեջ), ի դեմս քոլեջի տնօրեն Կարեն Լազարյանի

միջև

(երեքը միասին այսուհետ՝ Կողմեր)

*Հաշվի առնելով Հիմնադրամի և Ասոցիացիայի կողմից կրթության ոլորտում  
իրականացվող ծրագրերը և դրանց շրջանակում*

*Նպատակ ունենալով զարգացնելու համագործակցությունը նախնական և միջին  
մասնագիտական կրթության և կադրերի պատրաստման ոլորտում,*

**կնքեցին սույն Հուշագիրը հետևյալի մասին.**

## 1. ՀՈՒՇԱԳՐԻ ԱՌԱՐԿԱՆ

- 1.1. Կողմերը համագործակցում են Հայաստանի Հանրապետության օրենսդրությամբ, կանոնադրական փաստաթղթերով և սույն Հուշագրով սահմանված իրենց իրավասությունների շրջանակներում՝ միմյանց համարելով ռազմավարական գործընկերներ և ուղղելով իրենց ջանքերը կրթական, ուսումնական և նորարարական ոլորտներում համագործակցության զարգացմանը:
- 1.2. Կողմերի համագործակցությունը սույն Հուշագրի իրականացման շրջանակներում՝ կատարվում է կամավոր հիմունքներով՝ ղեկավարվելով շահերի ընդհանրության, գործողությունների համաձայնեցվածության և կառուցողական համագործակցության սկզբունքներով:
- 1.3. Միմյանց համարելով ռազմավարական գործընկերներ՝ ուղղելով իրենց ջանքերը կրթական, ուսումնական և նորարարական ոլորտներում համագործակցության զարգացմանը:
- 1.4. Կողմերի նպատակն է համագործակցության զարգացումը, ջանքերի միավորումը և համակարգումը հետևյալ հարցերի շուրջ.
  - կրթության և տնտեսության միջև համագործակցության ամրապնդմանն ուղղված ծրագրերի իրականացում, նախնական և միջին մասնագիտական կրթության նորմատիվ իրավական բազայի և նախնական և միջին մասնագիտական կրթության կրթական ծրագրերի մշակումը և կատարելագործումը,
  - արհեստագործական մասնագիտությունների գծով կադրերի պատրաստմամբ զբաղվող ուսումնական հաստատությունների ուսումնամեթոդական և նյութատեխնիկական բազայի ամրապնդումը,
  - աշխատանքի շուկայում շրջանավարտների մրցունակության բարձրացմանը, արհեստագործական ոլորտները որակավորված մասնագետներով և աշխատողներով ապահովելուն ուղղված համատեղ միջոցառումների կազմակերպումը,
  - մասնագիտական կողմնորոշմանն ուղղված միջոցառումների իրականացումը,
  - կրթական հաստատությունների և գործող կառույցների համագործակցության ձևավորումն ու ամրապնդումը:

## 2. ԿՈՂՄԵՐԻ ՊԱՐՏԱԿԱՆՈՒԹՅՈՒՆՆԵՐԸ

### 2.1. Հիմնադրամի և Ասոցիացայի պարտականություններն են.

- 2.1.1. Ցուցաբերել օժանդակություն՝ նախնական և միջին մասնագիտական կրթության ուսումնական հաստատություններում նոր մասնագիտությունների ներդրմանը,
- 2.1.2. Աջակցել դասախոսների և արտադրական ուսուցման վարպետների վերապատրաստման և ստաժավորման դասընթացների կազմակերպմանը և իրականացմանը,
- 2.1.3. Նպաստել մասնագիտական կադրերի վերապատրաստման համատեղ սեմինարների, քննարկումների, հանդիպումների և խորհրդատվությունների կազմակերպմանը,
- 2.1.4. Համապատասխան մասնագիտությունների գծով կադրեր պատրաստող մասնագիտական կրթական հաստատությունների հետ համատեղ օժանդակել սովորող երիտասարդների շրջանում մասնագիտական կողմնորոշման աշխատանքների կազմակերպմանը,
- 2.1.5. Օժանդակել կրթության և տնտեսության համագործակցության ամրապնդմանը,
- 2.1.6. Աջակցել կրթության զարգացմանը՝ գործնական աշխատանքների հիման վրա (աշխատանքի վրա հիմնված ուսուցում),
- 2.1.7. Իրականացնել համատեղ ծրագրերի, միջոցառումների, դասընթացների մոնիտորինգ և գնահատում,
- 2.1.8. Իրականացնել տեղեկատվական-վերլուծական, ուսումնական և խորհրդատվական գործունեություն,
- 2.1.9. Օժանդակել երիտասարդների՝ աշխատաշուկա մուտք գործելուն՝ ապահովելով բարձր որակավորում, ինչպես նաև ուղղորդելով դեպի կազմակերպություններ, որտեղ կա պահանջարկ:

### 2.2. Քոլեջի պարտականություններն են.

- 2.2.1. Մշակել հատուկ ծրագրեր՝ մասնագիտական դասընթացները մատչելի և հասանելի դարձնելու համար՝ ներդնելով դասընթացների կազմակերպման առանձնահատուկ մեխանիզմներ, կազմել այդպիսի մեխանիզմների ներդրման և կառավարման ընթացակարգ.

- 2.2.2. Իրականացնել տեղեկատվական-վերլուծական, ուսումնական և խորհրդատվական գործունեություն,
- 2.2.3. Իրականացնել հարցումներ համատեղ ծրագրերի շրջանակում,
- 2.2.4. Համատեղ Ծրագրերը իրականացնել Հիմնադրամի անմիջական հսկողությամբ և ուղղորդմամբ,
- 2.2.5. Աջակցել դասախոսների և արտադրական ուսուցման վարպետների վերապատրաստման, ինչպես նաև նորարարական տեխնոլոգիաներ պարունակող որակավորման բարձրացման դասընթացների կազմակերպմանը,
- 2.2.6. Օժանդակել արհեստագործական մասնագիտությունների գծով մասնագետների նպատակային նախապատրաստմանը և հմտությունների զարգացմանը,
- 2.2.7. Աջակցել ուսուցման որակի բարելավման նպատակով Հիմնադրամի կողմից մշակված և ՀՀ Կառավարության հետ նախապես համաձայնեցված ուսումնական ձեռնարկների՝ ՀՀ ուսումնական հաստատություններում ներդրմանը,
- 2.2.8. Աջակցել մասնագիտական կադրերի վերապատրաստման համատեղ սեմինարների, քննարկումների, հանդիպումների և խորհրդատվությունների կազմակերպմանը,
- 2.2.9. Տրամադրել տեղեկատվություն, համատեղ ծրագրերի իրականացման, ուսանողների մասնագիտական կողմնորոշման, գործնական ուսուցման բովանդակության, տևողության և դրա իրականացման անհրաժեշտ պայմանների ապահովման և այլնի վերաբերյալ,
- 2.2.10. Հնարավորություն ընձեռել այլ կրթական հաստատությունների ուսանողների և ուսուցիչների օգտվել համատեղ Ծրագրի հնարավորություններից,
- 2.2.11. Ուսանողների համար կազմակերպել տեղեկատվական հանդիպումներ և ճանաչողական այցեր,
- 2.2.12. Տրամադրել տեղեկատվություն ոլորտային սեմինարների, կոնֆերանսների և այլ միջոցառումների վերաբերյալ,
- 2.2.13. Հրապարակումներ անել սոցիալական ցանցերում, նշելով Հուշագրի կողմերին,
- 2.2.14. Հարգել Կողմերի բրենդինգի քաղաքականությունը (օրինակ՝ լոգոների տեղադրում մասնակիցների գրանցման ցուցակների և այլ փաստաթղթերի վրա),
- 2.2.15. Իրականացնել Հուշագրի նպատակներից բխող այլ անհրաժեշտ գործողություններ:

### 3. ՀՈՒՇԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

- 3.1. Սույն Հուշագիրը կնքվում է անորոշ ժամկետով և ուժի մեջ է մտնում եռակողմ ստորագրման պահից:
- 3.2. Կողմերից յուրաքանչյուրը իրավասու է հրաժարվել Հուշագրի կատարումից, ուղարկելով մյուս Կողմին իր այդ մտադրության վերաբերյալ գրավոր ծանուցում ոչ ուշ, քան հրաժարվելուց երեք ամիս առաջ, կարգավորելով Հուշագրի գործողության ընթացքում առաջացած պարտականությունների իրականացման կարգը:
- 3.3. Կողմերի փոխադարձ համաձայնությամբ սույն Հուշագրում հնարավոր է կատարել Հուշագրի անբաժանելի մասը կազմող փոփոխություններ և լրացումներ՝ լրացուցիչ համաձայնագիր ստորագրելու միջոցով:

### 4. ԱՅԼ ՊԱՅՄԱՆՆԵՐ

- 4.1. Կողմերը համագործակցում են Հայաստանի Հանրապետության օրենսդրության համաձայն՝ հիմնվելով փոխադարձ հարգանքի, հավասար իրավունքների, գործընկերության սկզբունքների վրա,
- 4.2. Սույն Հուշագիրը չի ազդում Կողմերի մասնակցությամբ այլ պայմանագրերից բխող Կողմերից յուրաքանչյուրի իրավունքների և պարտականությունների վրա և Կողմերի միջև չի առաջացնում որևէ գույքային և/կամ ֆինանսական պարտականություն,
- 4.3. Սույն Հուշագրի շրջանակում կողմերի քաղաքացիաիրավական գործարքի բնույթ կրող փոխհարաբերությունները (փոխհաշվարկները) միմյանց միջև և /կամ երրորդ անձանց հետ, պետք է ձևակերպած լինեն առանձին պայմանագրերով ՀՀ գործող օրենսդրության համաձայն,
- 4.4. Սույն Հուշագրի պայմանները և Հուշագրի հետ փոխկապակցված այլ անձի հրապարակման ոչ ենթակա գործունեության մասին տեղեկատվությունը գաղտնի է: Կողմերը պարտավորվում են չբացահայտել նման տեղեկատվությունը այլ անձանց և այն չօգտագործել սույն Հուշագրի իրացման հետ կապված որևէ նպատակով,
- 4.5. Հուշագիրը կազմված է հայերեն: Հուշագիրը կնքվում է հավասարազոր իրավաբանական ուժ ունեցող երեք օրինակից: Կողմերից յուրաքանչյուրին տրվում է Հուշագրի մեկ օրինակ:

5. ԿՈՂՄԵՐԻ ՍՏՈՐԱԳՐՈՒԹՅՈՒՆՆԵՐԸ

«ԲԻԶՆԵՍ ԵՎ ԿՐԹՈՒԹՅՈՒՆ  
ԳՈՐԾԼՎԵՐՈՒԹՅՈՒՆ» ՀԻՄՆԱԴՐԱՄ

Տնօրեն՝

Դ. Կարապետյան



«ԳՈՐԻՍԻ ՊԵՏԱԿԱՆ ՔՈՒՆԵՑ»

Տնօրեն՝ Կ. Լազարյան



«ԲԻԶՆԵՍ ԵՎ ԿՐԹՈՒԹՅՈՒՆ ԱՍՈՑԻԱՑԻԱ»  
ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ

Նախագահ՝

Մ. Ժամկոչյան

